

სახელმწიფო შესყიდვის შესახებ ხელშეკრულების პროექტი

1. ხელშეკრულების დამდები მხარეები

1.1. ერთი მხრივ, საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტრო (შემდგომში - შემსყიდველი), _____ სახით და, მეორეს მხრივ --
----- (შემდგომში - მიმწოდებელი), ----- სახით.

2. ხელშეკრულების საგანი და ღირებულება

2.1. შემსყიდველმა განახორციელა ელექტრონული ტენდერი ----- საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს ცენტრალური აპარატის მიერ, 2021 წლის სახელმწიფო ბიუჯეტით „ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სფეროში პოლიტიკის შემუშავებისა და მართვის“ პროგრამით გათვალისწინებული ასიგნებების ფარგლებში, ----- სახელმწიფო შესყიდვაზე (CPV32400000) და მიმწოდებელმა აიღო ვალდებულება მიაწოდოს შემსყიდველს ზემოაღნიშნული ----- (-) ლარად (შემდგომში - ხელშეკრულების ღირებულება).

3. შესყიდვის ობიექტის მახასიათებლები

3.1. შესყიდვის ობიექტების აღწერილობა და ფასი განისაზღვრება ელექტრონულ ტენდერში მიმწოდებლის მიერ წარმოდგენილი თანდართული დოკუმენტის ----- შესაბამისად, რომელიც წარმოადგენს წინამდებარე ხელშეკრულების განუყოფელ ნაწილს.

4. მიწოდების პირობები

4.1. შესყიდვის ობიექტის - მიწოდება და ინსტალაცია უნდა განხორციელდეს სახელმწიფო შესყიდვის შესახებ ხელშეკრულების გაფორმებიდან არაუგვიანეს 30 კალენდარული დღის განმავლობაში.

4.2. შესყიდვის ობიექტის მიწოდება და ინსტალაცია განხორციელდება შემსყიდველის მისამართზე: საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს ადმინისტრაციული შენობა - ქ. თბილისი, აკაკი წერეთლის გამზირი N144.

5. შესყიდვის ობიექტის მიღება-ჩაბარების წესი

5.1 შესყიდვის ობიექტის მიღება-ჩაბარება განხორციელდება მიწოდებისა და ინსტალაციის შემდეგ, წინამდებარე ხელშეკრულების 14.1. პუნქტით განსაზღვრული, ხელშეკრულების შესრულების კონტროლზე პასუხისმგებელი პირის მიერ შედგენილი ინსპექტირების აქტის შესაბამისად გაფორმებული მიღება-ჩაბარების აქტის საფუძველზე (დანართი N1).

6. ანგარიშსწორება

6.1. ანგარიშსწორების ფორმა - უნაღდო ანგარიშსწორება ლარში;

6.2. ანგარიშსწორება იწარმოებს, მიწოდების შემდეგ, ინსპექტირების აქტისა და მხარეებს შორის გაფორმებული მიღება-ჩაბარების აქტის საფუძველზე, მიღება-ჩაბარების აქტის გაფორმებიდან 10 სამუშაო დღის განმავლობაში.

6.3. წინასწარი ანგარიშსწორებისათვის, ხელშეკრულების ღირებულების 70%-ის ოდენობით, მიმწოდებლის მიერ ხელშეკრულების გაფორმებიდან 10 დღის ვადაში, წარმოდგენილი იქნება შესაბამისი ოდენობის უპირობო და გამოუთხოვადი საბანკო (საქართველოს ეროვნული ბანკის მიერ ლიცენზირებული ბანკის მიერ გაცემული) ან სსიპ „საქართველოს დაზღვევის სახელმწიფო ზედამხედველობის სამსახური“-ს მიერ ლიცენზირებული სადაზღვევო კომპანიის მიერ გაცემული საავანსო გარანტია. იმ შემთხვევაში, თუ მიმწოდებელი რეგისტრირებულია თეთრ სიაში (შესყიდვებში მონაწილე კვალიფიციურ მიმწოდებელთა რეესტრი), მიმწოდებელი უფლებამოსილია შემსყიდველს წარუდგინოს ავანსის ნახევარი ოდენობის საბანკო გარანტია. საავანსო გარანტიის მოქმედების ვადა 3 (სამი) თვით უნდა აღემატებოდეს ხელშეკრულების მოქმედების საბოლოო ვადას.

6.4. წინასწარი ანგარიშსწორებით გადახდილი თანხა შესაძლებელია გაიქვითოს ხელშეკრულების ფაქტიური შესრულების შესაბამისად.

6.5. მიმწოდებლის მიერ ნაკისრი ვალდებულების შეუსრულებლობის შემთხვევაში, საავანსო გადახდის გარანტია დაბრუნდება მხოლოდ ფაქტიურად შესრულებული ღირებულების ნაწილში, დარჩენილ თანხაზე გარანტია არ დაბრუნდება.

7. მხარეთა ვალდებულებები და უფლებები

7.1. მიმწოდებელი ვალდებულია:

7.1.1. უზრუნველყოს მიწოდება და ინსტალაცია ხელშეკრულების პირობების შესაბამისად;

7.1.2. უზრუნველყოს გამოვლენილი დეფექტებისა და ნაკლის აღმოფხვრა საკუთარი ხარჯით, ასეთი ფაქტის გამოვლენიდან 10 სამუშაო დღეში.

7.1.3. დროულად განიხილოს შემსყიდველის მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

7.2. შემსყიდველი ვალდებულია:

7.2.1. დროულად მოახდინოს ანგარიშსწორება მიმწოდებელთან ხელშეკრულების პირობების შესაბამისად;

8. მხარეთა უფლება

8.1. მიმწოდებელს უფლება აქვს:

8.1.1. ხელშეკრულების ფარგლებში მოითხოვოს დროული და სრული ანაზღაურება.

8.2. შემსყიდველს უფლება აქვს:

8.2.1. აწარმოოს ხელშეკრულებით განსაზღვრული ვალდებულებების შესრულების ხარისხის კონტროლი;

8.2.2. ცალმხრივად შეწყვიტოს წინამდებარე ხელშეკრულება, თუ მიმწოდებელი ვერ უზრუნველყოფს ხელშეკრულებით ნაკისრი თავისი ვალდებულებების ჯეროვან შესრულებას, საქართველოს სამოქალაქო კოდექსის 405-ე მუხლით გათვალისწინებული პროცედურების დაცვის გარეშე, ან მოქმედი კანონმდებლობით დადგენილ სხვა შემთხვევებში.

9. ფორს-მაჟორი

9.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

9.2. ამ ხელშეკრულებაში `ფორს-მაჟორი` ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და მომსახურების მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.

9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

10. ხელშეკრულების პირობების გადასინჯვა

10.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია წინასწარ. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

10.2. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დამატებითი შეთანხმების სახით, რომელიც ჩაითვლება ხელშეკრულების განუყოფელ ნაწილად.

11. სადავო საკითხების გადაწყვეტა

11.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება და დავა, რომელიც წარმოიშობა ხელშეკრულების პირობების შესრულებასთან დაკავშირებით.

11.2. თუ ასეთი მოლაპარაკებების დაწყებიდან 10 (ათი) დღის განმავლობაში შემსყიდველი და მიმწოდებელი ვერ შეძლებენ სადავო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს შესაბამის სასამართლოს.

12. ხელშეკრულების შესრულების შეფერხება

12.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

13. ხელშეკრულების პირობების შეუსრულებლობა

13.1. ხელშეკრულებით ნაკისრი ვალდებულებების შეუსრულებლობის შემთხვევაში მიმწოდებელს დაეკისრება პირგასამტეხლო სახელშეკრულებო ღირებულების 10%-ის ოდენობით.

13.2. ხელშეკრულების პირობების არაჯეროვანი შესრულებისათვის (მათ შორის ვალდებულების შესრულების ვადაგადაცილების დროს და ნაკლიანი შესრულების შემთხვევაში) შემსყიდველს უფლება აქვს მიმწოდებელს დააკისროს პირგასამტეხლო (ნაკლიანი შესრულების შემთხვევაში - ნაკლის სრულად აღმოფხვრამდე) ყოველ ვადაგადაცილებულ დღეზე შესასრულებელი ვალდებულების შესაბამისი ღირებულების 0.02%-ის ოდენობით, ვალდებულების შესრულებამდე.

13.3. ხელშეკრულების ნაწილობრივ შესრულების შემთხვევაში, მიმწოდებელს დაეკისრება პირგასამტეხლო შესასრულებელი (დარჩენილი) ვალდებულების შესაბამისი ღირებულების 5%-ის ოდენობით.

13.4. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

13.5. იმ შემთხვევაში, თუ მიმწოდებლისთვის დაკისრებული პირგასამტეხლოს ჯამური ოდენობა გადააჭარბებს ხელშეკრულების ღირებულების 1%-ს, შემსყიდველს უფლება აქვს ცალმხრივად შეწყვიტოს ხელშეკრულება.

14. ხელშეკრულების შესრულების კონტროლი

14.1. ხელშეკრულების შესრულების კონტროლს განახორციელებს ხელშეკრულების შესრულებაზე პასუხისმგებელი პირი, -----.

15. ხელშეკრულების შესრულების უზრუნველყოფის გარანტია

15.1. იმისათვის, რომ თავიდან იქნას აცილებული რისკი, წარმოქმნილი მიმწოდებლის მიერ სახელმწიფო შესყიდვების შესახებ ხელშეკრულების შეუსრულებლობის გამო, ამ ხელშეკრულებაში გამოიყენება საბანკო (საქართველოს ეროვნული ბანკის მიერ ლიცენზირებული ბანკის მიერ გაცემული) ან სსიპ „საქართველოს დაზღვევის სახელმწიფო ზედამხედველობის სამსახური“-ს მიერ ლიცენზირებული სადაზღვევო კომპანიის მიერ გაცემული სადაზღვევო გარანტია. სახელშეკრულებო ღირებულების --- %-ის ოდენობით. იმ შემთხვევაში, თუ მიმწოდებელი რეგისტრირებულია თეთრ სიაში (შესყიდვებში მონაწილე კვალიფიციურ მიმწოდებელთა რეესტრი), მიმწოდებელი უფლებამოსილია შემსყიდველს წარუდგინოს ხელშეკრულების შესრულების უზრუნველყოფისათვის მოთხოვნილი ოდენობის გარანტიის ნახევარი. გარანტიის მოქმედების ვადა 30 (ოცდაათი) კალენდარული დღით უნდა აღემატებოდეს ხელშეკრულების მოქმედების საბოლოო ვადას.

15.2. მიმწოდებლის მიერ ხელშეკრულებით ნაკისრი ვალდებულებების სრულად შესრულების შემდეგ შემსყიდველი დაუბრუნებს მიმწოდებელს ხელშეკრულების შესრულების უზრუნველყოფის გარანტიას.

15.3. მიმწოდებლისაგან დამოუკიდებელი მიზეზების გამო ხელშეკრულების შეწყვეტის შემთხვევაში შემსყიდველი ორგანიზაცია მიმწოდებლის მოთხოვნისთანავე დაუბრუნებს მას ხელშეკრულების შესრულების უზრუნველყოფის გარანტიას.

16. გარანტია

16.1. გადაწყვეტილების ფიზიკურ კომპონენტებზე ვრცელდება მინიმუმ ----- წლიანი მწარმოებლის გარანტია მიღება-ჩაბარების აქტის გაფორმებიდან.

16.2. გადაწყვეტილებაზე ვრცელდება პროგრამული უზრუნველყოფის და სხვა აუცილებელი კომპონენტების მინიმუმ ----- წლიანი განახლებების სერვისის მიღება-ჩაბარების აქტის გაფორმებიდან.

16.3. მიმწოდებელი უზრუნველყოფს მოწოდებული პროდუქტის მხარდაჭერას (Collaborative / Shared Support) მინიმუმ --- წლის განმავლობაში მიღება-ჩაბარების აქტის გაფორმებიდან.

17. ხელშეკრულების შეწყვეტა

17.1. შემსყიდველი უფლებამოსილია ცალმხრივად შეწყვიტოს წინამდებარე ხელშეკრულების მოქმედება საქართველოს სამოქალაქო კოდექსის 405-ე მუხლით გათვალისწინებული პროცედურების დაცვის გარეშე, თუ მეორე მხარე ვერ უზრუნველყოფს თავისი ვალდებულების ჯეროვანად შესრულებას, ან მოქმედი კანონმდებლობით დადგენილ სხვა შემთხვევებში.

17.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

17.3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

18. ხელშეკრულების მოქმედების ვადა

18.1. წინამდებარე ხელშეკრულება ძალაში შედის მხარეთა მიერ ხელმოწერისთანავე.

18.2. ხელშეკრულების მოქმედების ვადა განისაზღვრება ----- წლის ----- ჩათვლით.

18.3. ხელშეკრულების მე-16 მუხლთან მიმართებაში ხელშეკრულების მოქმედების ვადა გრძელდება საგარანტიო პირობების ამოწურვამდე.

19. ზოგადი პირობები

19.1. ხელშეკრულება შედგენილი და ხელმოწერილია ელექტრონულად (დოკუმენტზე შესრულებულია კვალიფიციური ელექტრონული ხელმოწერა ან/და დოკუმენტი დამოწმებულია კვალიფიციური ელექტრონული შტამპით).

შემსყიდველი

მომწოდებელი

სახელმწიფო ბიუჯეტიდან გამოყოფილი ასიგნებების ფარგლებში,
განხორციელებული მიწოდების მიღება-ჩაბარების

აქტი

ქ. თბილისი -----, ----- წ.

ჩვენ, ქვემოთ ხელის მომწერნი, ერთის მხრის, შემსყიდველი - საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს ადმინისტრაციის უფროსი -----

და, მეორე მხრივ, მიმწოდებელი - -----

(ორგანიზაციის დასახელება)

(ხელმძღვანელის თანამდებობა, სახელი, გვარი)

ვადგენთ ამ აქტს მასზედ, რომ -----

----- წლის ----- N----- ხელშეკრულების ღირებულება შეადგენს ----- ლარს.
(თანხა ციფრებით და სიტყვიერად)

----- თვეში მოწოდებული ----- ღირებულებამ შეადგინა ----- ლარი.
(თანხა ციფრებით და სიტყვიერად)

ნაზარდი ჯამით შესრულებულია ----- ლარი.
(თანხა ციფრებით და სიტყვიერად)

ანაზღაურებულია ----- ლარი.
(თანხა ციფრებით და სიტყვიერად)

მიიღო

ჩააბარა

1. ადმინისტრაციის უფროსი

1. დირექტორი

2.

2.

ბ.ა.

ბ.ა.